

思益梵天問經

卷三

百四十三  
萬九

48215



元祿九年丙子二月日重脩

皇圖聖圖 帝階綴呂

佛日增輝 懋輪常轉

山城州天安寺法金剛院置

25

思益梵天問經卷第三

萬

姚秦三藏法師

鳩摩羅什譯

菩薩無二品第十二

尔時思益梵天白佛言世尊是文殊師利法  
 王子在此大會而無所說佛即告文殊師利  
 汝於此所說法中可少說之文殊師利白佛  
 言世尊佛所得法寧有識不佛言不可識也  
 世尊是法可說可演可論不佛言不可說不  
 可演不可論世尊若是法不可說不可演不  
 可論者則不可示也尔時思益梵天謂文殊  
 師利汝不為衆生演說法乎文殊師利言梵  
 天法性中有二相耶梵天言無也文殊師利



言一切法不入法性耶梵天言然文殊師利  
言若法性是不二相一切法入法性中云何  
當為衆生說法梵天言頗有說法亦無二相耶  
文殊師利言若決定得說者聽者可有說法亦  
無有二文殊師利如來不說法耶文殊師利  
言佛雖說法不以二相何以故如來性無二  
故雖有所說而無二也梵天言若一切法無  
二其誰為二文殊師利言凡夫貪著我故分  
別二耳不二者終不為二雖種種分別為二  
然其實際無有二相梵天言云何識無二法  
文殊師利言若無二可識則非無二所以者  
何無二相者不可識也梵天二即是識業不

可識法佛所說也是法不介如所說何以故  
是法無文字故文殊師利佛所說法終何所  
至文殊師利言如來說法至無所至梵天言  
佛所說法不至涅槃中耶文殊師利言涅槃可  
得至耶梵天言涅槃無來處無至處文殊師  
利言如是佛所說法至無所至梵天言是法  
誰聽答言如所說梵天言云何如所說答言  
如不識不聞梵天言誰能聽如來如是法答  
言不漏六塵者梵天言誰能知是法答言無  
識無分別無諍訟者梵天言云何比丘名多  
諍訟答言是好是惡此名諍訟是理是非理  
此名諍訟是垢是淨此名諍訟是善是不善

此名諍訟是戒是毀戒此名諍訟是應作是不應作此名諍訟以是法得道以是法得果此名諍訟梵天若於法中有高下心貪著所受皆是諍訟佛所說法無有諍訟梵天樂戲論者無不諍訟樂諍訟者無沙門法樂沙門法者無有妄想貪著梵天言云何比丘隨佛語隨佛教答言若比丘稱讚毀辱其心不動是名隨佛教若比丘不隨文字語言是名隨佛語又比丘滅一切諸相是名隨佛教不違於義是名隨佛語若比丘守護於法是名隨佛教若不違佛語是名隨佛語梵天言云何比丘能守護法答言若比丘不逆平等不壞法

性是名能守護法梵天言云何比丘親近於  
佛荅言若比丘於諸法中不見有法若近若  
遠是名親近於佛梵天言云何比丘給侍於  
佛荅言若比丘身口意無所作是名給侍於  
佛梵天言誰能供養佛荅言不起福業不起  
無動業者梵天言誰能見佛荅言若不著肉  
眼不著天眼不著慧眼是名能見佛梵天言  
誰能見法荅言不逆諸因緣法者梵天言誰  
能順見諸因緣法荅言不起平等不見平等  
所生相者梵天言誰得真智荅言不生不滅  
諸漏者梵天言誰能隨學如來荅言不起不  
受不取不捨諸法者梵天言誰名正行荅言

不墮三界者梵天言誰為善人答言不受後  
身者梵天言誰為樂人答言無我無我所者  
梵天言誰為得脫答言不壞縛者梵天言誰  
為得度答言不住生死不住涅槃者梵天言  
漏盡比丘盡何事耶答言若有所盡不名漏  
盡知諸漏空相隨如是知名為漏盡梵天言  
誰為實語答言離諸言論道者梵天言誰為  
入道答言凡夫有入道聖行者知一切有為  
法無所從來無所從去則無入道梵天言誰  
能見聖諦答言無有見聖諦者所以者何隨  
所有見皆為虛妄無所見者乃名見諦梵天  
言不見何法名為見諦答言不見一切諸見

名為見諦梵天言是諦當於何求答言當於  
四顛倒中求梵天言何故作如是說答言求  
四顛倒不得淨不得常不得樂不得我若不  
得淨是即不淨若不得常是即無常若不得  
樂是即為苦苦若不得我是即無我梵天一切  
法空無我是為聖諦若能如是求諦是人不  
見苦不斷集不證滅不修道梵天言云何名  
修道答言若不分別是法是非法離於二相  
名為修道以是道求一切法不得是名為道  
是道不令人離生死至涅槃所以者何不離  
不至乃名聖道尔時有摩訶羅梵天子名曰  
等行問文殊師利何謂優婆塞歸依佛歸依

法歸依僧。答言：若優婆塞不起二見不起我見不起彼見不起我見不起佛見不起我見不起法見不起我見不起僧見是名歸依佛。歸依法歸依僧。又優婆塞不以色見佛不以受想行識見佛是名歸依佛。若優婆塞於法無所分別亦不行非法是名歸依法。若優婆塞不離有為法見無為法不離無為法見有為法。是名歸依僧。又優婆塞不得佛不得法不得僧是名歸依佛。歸依法歸依僧。尔時等行菩薩問文殊師利言：是諸菩薩發菩提心者為何所趣？答言：趣於虛空。所以者何？阿耨多羅三藐三菩提同虛空故。等行言：云何菩

薩名發阿耨多羅三藐三菩提心。答言：若菩薩知一切發非發一切法非法一切衆生非衆生，是名菩薩發阿耨多羅三藐三菩提心。名字義品第十三。

八  
今時等行菩薩白佛言：世尊，所云菩薩者，爲何謂耶？佛言：善男子，若菩薩於邪定衆生發大悲心，於正定衆生不見殊異，故言菩薩。所以者何？菩薩不爲正定衆生，不爲不定衆生，故發心。但爲度邪定衆生，故起大悲發阿耨多羅三藐三菩提心。故名菩薩。今時菩提菩薩白佛言：世尊，我亦樂說，所以爲菩薩。佛言：便說菩提菩薩言，譬如男子、女人受一

日戒無毀無缺若菩薩如是從初發心乃至成佛於其中間常修淨行是名菩薩堅意菩薩言若菩薩成就深固慈心是名菩薩度衆生菩薩言譬如橋船度人不倦無有分別若心如是是名菩薩斷惡道菩薩言若菩薩於諸佛國投足之處即時一切惡道皆滅是名菩薩觀世音菩薩言若菩薩衆生見者即時必定於阿耨多羅三藐三菩提又稱其名得免衆苦是名菩薩得大勢菩薩言若菩薩所投足處震動三千大千世界及魔宮殿是名菩薩無疲倦菩薩言若恒河沙等劫爲一日一夜以是三十日爲一月十二月爲歲以是

歲數若過百千萬億劫得值一佛如是於恒  
河沙等佛所行諸梵行修集功德然後受阿  
耨多羅三藐三菩提心不休息無有疲倦  
是名菩薩導師菩薩言若菩薩於墮邪道衆  
生生大悲心令入正道不求恩報是名菩薩  
須彌山菩薩言若菩薩於一切法無所分別  
如須彌山一切衆色是名菩薩那羅延菩薩  
言若菩薩不爲一切煩惱所壞是名菩薩心  
力菩薩言若菩薩以心思惟一切諸法無有錯  
謬是名菩薩師子遊步自在菩薩言若菩薩  
於諸論中不怖不畏得深法忍能使一切外  
道怖畏是名菩薩不可思議菩薩言若菩

菩薩知心相不可思議無所思惟分別是名菩薩  
善寂天子言若菩薩能於一切天宮中生而  
無所染亦不得是無染之法是名菩薩實語  
菩薩言若菩薩有所發言常以真實乃至夢  
中亦無妄語是名菩薩喜見菩薩言若菩薩  
能見一切色皆是佛色是名菩薩常慘菩薩  
言若菩薩見墮生死衆生其心不樂世間諸  
樂欲自度己身亦度衆生是名菩薩心無礙菩  
薩言若菩薩於一切煩惱衆魔而不瞋礙是  
名菩薩常喜根菩薩言若菩薩常以善根自  
滿其願亦滿他願所作皆辦是名菩薩散疑  
女菩薩言若菩薩於一切法中不生疑悔是

名菩薩師子童女菩薩言若菩薩無男法無  
女法而現種種色身為成就衆生故是名菩  
薩寶女菩薩言若菩薩於諸寶中不生愛樂  
但樂三寶是名菩薩毗舍佉達多優婆夷言  
若菩薩有所得者則無菩提若不得一切法  
不生一切法不滅一切法是名菩薩跋陀婆  
羅居士言若菩薩衆生聞其名者畢定於阿  
耨多羅三藐三菩提是名菩薩寶月童子言  
若菩薩常修童子梵行乃至不以心念五欲  
何況身受是名菩薩忉利天子曼陀羅華香  
菩薩言若菩薩持戒熏心常流諸善法香不  
流餘香是名菩薩作喜菩薩言若菩薩喜樂

三法謂供養佛演說於法教化衆生是名菩薩思益梵天言若菩薩所見之法皆是佛法是名菩薩弥勒菩薩言若菩薩衆生見者即得慈心三昧是名菩薩文殊師利法王子言若菩薩雖說諸法而不起法相不起非法相是名菩薩網明菩薩言若菩薩光明能滅一切衆生煩惱是名菩薩普華菩薩言若菩薩見諸如來滿十方世界如林華敷是名菩薩如是諸菩薩各各隨所樂說已余時佛告等行菩薩言若菩薩能代一切衆生受諸苦惱亦復能捨一切福事與諸衆生是名菩薩

論寂品第十四

尔時思益梵天問等行菩薩言善男子汝今以何行為行答言我已隨一切有為法衆生行為行又問隨一切有為法衆生以何為行答言諸佛所行是隨一切有為法衆生行也又問諸佛以何為行答言諸佛以第一義空為行又問凡夫所行諸佛亦以是行有何差別等行言汝欲令空中有差別耶答言不也等行言如來不說一切法空耶答言然是故梵天一切法無有差別是諸行相亦復如是所以者何如來不說諸法有差別也

尔時思益梵天問文殊師利言所言行處行為何謂也答言於諸行中有四梵行是名行

處行若人離四梵行不名行處行能行四梵  
行是名行處行梵天若人成就四梵行雖於  
空閑曠野中行是名行處行若不成就四梵  
行雖於樓殿堂閣金銀牀榻妙好被褥於此  
中行不名行處行亦復不能善知行處相又問  
菩薩以何行知見清淨荅言於諸行中能淨  
我見又問若得我實性即得實知見耶荅言  
然若見我實性即是實知見譬如國王典金  
藏人因已出用知餘在者如是因知我實性  
故得實知見又問云何得我實性荅言若得無  
我法所以者何我畢竟無根本無決定故若  
能如是知者是名得我實性又問如我解文

殊師利所說義以見我故即是見佛所以者  
何我性即是佛性文殊師利誰能見佛答言  
不壞我見者所以者何我見即是法見以法  
見能見佛又問頗有無所行名爲正行耶答言  
有若不行一切有爲法是名正行又問去何  
行名爲正行答言若不爲見故行不爲斷不  
爲證不爲修故行是名正行又問慧眼爲見  
何法答言若有所見不名慧眼慧眼不見有  
爲法不見無爲法所以者何有爲法皆虛妄  
分別無虛妄分別是名慧眼無爲法空無  
所有過諸眼道是故慧眼亦不見無爲法又  
問頗有因緣正行比丘不得道果答言有正

行中無道無果無行無得無有得果差別梵  
天無所得故乃名為得若有所得當知是為  
增上慢人正行者無增上慢無增上慢則無  
行無得又問得何法故名為得道答言若法  
不自生不他生亦不衆緣生從本已來常  
無有生得是法故說名得道又問若法不生  
為何所得答言若知法不生即名為得是故  
佛說若見諸有為法不生相即入正位又問  
云何名正位答言我及涅槃等不作二是名  
正位又行平等故名為正位以平等出諸苦  
惱故名正位入了義中故名正位除一切憶  
念故名正位尔時世尊讚文殊師利言善哉

善哉使說此言誠如所說說是法時七千比丘不受諸法漏盡心得解脫三萬二千諸天遠塵離垢得法眼淨十千人離欲得定二百人發阿耨多羅三藐三菩提心五百菩薩得無生法忍

尔時思益梵天白佛言世尊是文殊師利法王子能作佛事大饒益衆生文殊師利言佛出於世不爲益法故出不爲損法故出梵天言佛豈不滅度無量衆生仁者亦不利益無量衆生耶文殊師利言汝欲於無衆生中得衆生耶荅言不也梵天汝欲得衆生決定相耶荅言不也梵天汝欲得諸佛有出生相於世間

耶荅言不也梵天何等是衆生爲佛所滅度者梵天言如仁者所說義無生死無涅槃文殊師利言如是諸佛世尊不得生死不得涅槃佛諸弟子得解脫者亦不得生死不得涅槃所以者何是涅槃是生死但假名字有言說耳實無生死往來滅度涅槃又問誰能信是法取荅言於諸法中無貪著者又問若貪著者於何貪著荅言貪著者貪著虛妄梵天若貪著者是實者終無增上慢以貪著虛妄故行者知之而不貪著若不貪著則無有流若無有流則無往來生死若無往來生死是則滅度又問何故說言滅度荅言滅度者名爲

衆緣不和合若無明不和合諸行因緣則不起諸行若不起是名爲滅不起相是畢竟滅得是道故則無生處如是名爲四聖諦

如來二事品第十五

尔時等行菩薩謂文殊師利如汝所說皆爲真實答言一切言說皆爲真實又問虛妄言說亦真實耶答言如是所以者何是諸言說皆爲虛妄無處無方若法皆虛妄無處無方是故一切言說皆是真實善男子提婆達語如來語無異無別所以者何一切言說皆是如來言說不出如故一切言說有所說事皆以無所說故得有所說是以一切言說皆平等

文字同故文字無念故文字空故等行言如  
來不說凡夫語言賢聖語言耶文殊師利言  
然以文字說凡夫語言亦以文字說賢聖語  
言如是善男子諸文字有分別是凡夫語言  
是賢聖語言耶等行言不也文殊師利言如  
諸文字無分別一切賢聖亦無分別是故賢  
聖無有言說所以者何賢聖不以文字相不  
以衆生相不以法相有所說也譬諸鐘鼓衆  
緣和合而有音聲是諸鐘鼓亦無分別如是  
諸賢聖善知衆因緣故於諸言說無貪無礙  
等行言如佛所說汝等集會當行二事若說  
法若聖默然何謂說法何謂聖默然若言若

說法不違佛不違法不違僧是名說法若知  
法即是佛離相即是法無爲即是僧是名  
聖默然又善男子因四念處有所說名爲說  
法於一切法無所憶念名聖默然因四正勤  
有所說名爲說法以諸法等不作等不作不  
等名聖默然因四如意足有所說名爲說法  
若不起身心名聖默然因五根五力有所說  
名爲說法若不隨他語有所信爲不取不捨  
故分別諸法一心安住無念念中解一切法  
常定性斷一切戲論慧名聖默然因七菩提分  
有所說名爲說法若常行捨心無所分別無  
增無減名聖默然因八聖道分有所說名爲

說法若知說法相如椽喻不依法不依非法  
名聖默然善男子於是三十七助道法若能  
開解演說名爲說法若身證是法亦不離身  
見法亦不離法見身於是觀中不見二相不  
見不二相如是現前知見而亦不見名聖默然  
又善男子若不妄想者我不妄想者彼不妄  
想著法有所說名爲說法若至不可說相能離  
一切言說音聲得不動處入離相心名聖默  
然又善男子若知一切衆生諸根利鈍而教  
誨之名爲說法常入於定心不散亂名聖默  
然等行言如我解文殊師利所說義一切聲  
聞辟支佛無有說法亦無聖默然所以者何

是人不能了知一切衆生諸根利鈍亦復不能常  
在於定文殊師利若有真實問何等是世間  
說法者何等是世間聖默然者則當爲說諸  
佛是也所以者何諸佛善能分別一切衆生  
諸根利鈍亦常在定佛告文殊師利如是如  
是如等行所說唯諸如來有此二法今時須  
菩提白佛言世尊我親從佛聞汝等集會當  
行二事若說法若聖默然世尊若聲聞不能  
行者云何如來勅諸比丘行此二事佛告須  
菩提於汝意云何若聲聞不從他聞能說法能  
聖默然不須菩提言不也須菩提是故當知  
一切聲聞辟支佛無有說法無聖默然今時

文殊師利謂須菩提如來了知衆生八萬四  
千行汝於此中有智慧能隨其所應爲說法  
不荅言不也今須菩提能入觀一切衆生心  
三昧住是三昧通達一切衆生心心所行自  
心他心無所妨礙不荅言不也文殊師利言須  
菩提如來於衆生八萬四千行隨其所應爲  
說法藥又常住定平等相中心不動搖而通  
達一切衆生心心所行須菩提是故當知一  
切聲聞辟支佛不及此事須菩提或有衆生  
多婬欲者以觀淨得解脫不以不淨唯佛能  
知或有衆生多瞋恚者以觀過得解脫不以  
慈心唯佛能知或有衆生多愚癡者以不共

語得解脫不以說法唯佛能知或有衆生等分行者不以觀淨不以不淨不以觀過不以慈心不以不共語不以說法得解脫者隨其根性以諸法平等而為說法使得解脫唯佛能知是故如來於諸說法人中為最第一禪定人中亦最第一。爾時須菩提問文殊師利若聲聞辟支佛不能如是說法不能如是聖默然者諸菩薩有成就如是功德能說法能聖默然不答言唯佛當知於是佛告須菩提有三昧名入一切語言心不散亂若菩薩成就三昧皆得是功德。爾時文殊師利謂等行菩薩善男子為衆生八萬四千行故說八萬

四千法藏名爲說法常在一切滅受想定中  
名聖默然善男子我若一劫若減一劫能說  
是義是名說法相是聖默然相猶不能盡於是  
佛告等行菩薩善男子乃往過去無量無邊  
不可思議阿僧祇劫時世有佛号曰普光劫  
曰名聞國名喜見彼國嚴淨豐樂安隱天人

音見本名

熾盛其地皆以衆寶莊嚴柔軟細滑生寶蓮  
華一切香樹充滿其中常出妙香善男子喜  
見國土有四百億四天下一天下縱廣八  
萬四千由旬其中諸城縱廣一由旬皆以衆寶  
校飾一城者有二萬五千聚落村邑而圍繞  
之一一聚落村邑無量百千人衆充滿其中

彼時人民所見色像心皆欣悅無可憎惡亦悉  
皆得念佛三昧是以國土名曰喜見若他方  
世界諸來菩薩皆得快樂餘國不尔善男子  
其普光佛以三乘法為弟子說亦多樂說如  
是法言汝等比丘當行二事若說法若聖默  
然善男子尔時上方醫王佛土有二菩薩一  
名無盡意二名益意來詣普光佛所頭面禮  
佛足右繞三匝恭敬合掌却住一面時普光  
佛為二菩薩廣說淨明三昧所以名曰淨明  
三昧者若菩薩入是三昧即得解脫一切諸  
相及煩惱著亦於一切佛法得淨光明是故  
名為淨明三昧又前際一切法淨後際一切

法淨現在一切法淨是三世畢竟淨無能令  
不淨性常淨故是以說一切諸法性常清淨  
何謂諸法性淨謂一切法空相離有所得  
故一切法無相相離憶想分別故一切法無  
作相不取不捨無求無願畢竟離自性故是  
名性常清淨以是常淨相知生死性即是涅  
槃性涅槃性即是一切法性是故說心性常  
清淨善男子譬如虛空若受垢汙無有是處  
心性亦如是若有垢汙無有是處又如虛空  
雖為煙塵雲霧覆暄不明不淨而不能染汙  
虛空之性設染汙者不可復淨以虛空實不  
染汙故還見清淨凡夫心亦如是雖邪憶念起

諸煩惱然其心性不可垢汙設垢汙者不可復淨以心相實不可垢汙性常明淨是故心得解脫善男子是名入淨明三昧門彼二菩薩間是三昧於諸法中得不可思議法光明介時無盡意菩薩白普光如來言世尊我等已聞人淨明三昧當以何行行此法門佛告無盡意善男子汝等當行二行若說法若聖默然時二菩薩從佛受教頭面禮佛足繞三匝而出趣一園林自以神力化作寶樓於中修行時有梵天名曰妙光與七万二千梵俱來至其所頭面禮足問二菩薩善男子普光如來說言汝等比丘集會當行二事若說法若聖

默然善男子何謂說法何謂聖默然二菩薩  
言汝今善聽我當少說唯有如來乃通達耳  
於是二菩薩以二句義爲諸梵衆廣分別說  
時七萬二千梵皆得無生法忍妙光梵天得普  
光明三昧是一菩薩於七萬六千歲以無礙辯  
力答其所問不懈不息分別二句互相問答  
而不窮盡於是普光如來在虛空中作如是  
言善男子勿於文字言說而起諍訟凡諸言  
說皆空如響如所問答亦是汝等二人皆  
得無礙辯才及無盡陀羅尼若於一劫若百  
劫說此二句辯不可盡善男子佛法是寂滅  
相第一之義此中無有文字不可得說諸所

言說皆無義利是故汝等當隨此義勿隨文字是二菩薩聞佛教已默然而止佛告等行以是當知菩薩若以辯才說法於百千萬劫若過百千萬劫不可窮盡又告等行於意云何彼二菩薩豈異人乎勿造斯觀無盡意者今文殊師利是益意菩薩者今汝身是妙光

梵天者今思益梵天是也

尔時等行菩薩白佛言未曾有也世尊諸佛菩薩為大饒益如所說行精進眾生世尊其懈怠不能如所說行者雖值百千萬佛無能為也當知從勤精進得出菩提

得聖道品第十六

尔時文殊師利謂等行菩薩善男子汝知菩薩云何行名勤精進答言若菩薩能得聖道名勤精進又問云何行能得聖道答言若於諸法無所分別如是行者能得聖道又問云何名爲得聖道已答言若行者於平等中見諸法平等是名得聖道已又問平等可得見耶答言不也所以者何若平等可見則非平等思益梵天謂文殊師利若行者於平等中不見諸法是名得聖道已文殊師利言何故不見思益言離二相故不見不見即是正見又問誰能正見世間答言不壞世間相者又問云何爲不壞世間相答言色如無別無異

受想行識如無別無異若行者見五陰平等  
如相是名正見世間又問何等是世間相答  
言滅盡是世間相又問滅盡相復可盡耶答  
言滅盡相者不可盡也又問何故說言世間  
是滅盡相答言世間畢竟盡相是相不可盡  
所以者何已盡者不復盡也又問佛不說一  
切有為法是盡相耶答言世間是盡相終不  
可盡是故佛說一切有為法是盡相又問何  
等數名有為法答言以盡相故名有為法又  
問有為法者為任何所答言無為性中住又  
問有為法無為法有何差別答言有為無為  
法文字言說有差別耳所以者何以文字

言說言是有爲是無爲若求有爲無爲實相  
則無差別以實相無差別故又問何等是諸  
法實相義答言一切法平等無有差別是諸  
法實相義又問何等爲義答言以文字說令  
人得解故名爲義所以者何實相義者不如  
文字所說諸佛雖以文字有所言說而於實  
相無所增減文殊師利一切言說皆非言說  
是故佛語名不可說諸佛不可以言相說故  
又問云何得說佛相答言諸佛如來不可以  
色身說相不可以三十二相說相不可以諸  
功德法說相又問諸佛可離色身三十二相諸  
功德法而說相耶答言不也所以者何色身

如三十二相如諸功德法如諸佛不即是如  
亦非離如如是可說佛相不失如故又問  
諸佛出尊得何等故号名為佛答言諸佛世  
尊通達諸法性相如故說名為佛正遍知者  
志大乘品第十七

於是等行菩薩白佛言世尊何謂菩薩發行  
大乘今時世尊以偈答言

菩薩不壞色  
發行菩提心

知色即菩提

是名行菩提  
如色菩提然

等入於如相

不壞諸法性  
是名行菩提

不壞諸法性

則為菩提義  
是菩提義中

亦無有菩提

正行第一義  
是名行菩提

愚於陰界入

而欲求菩提

陰界入即是

離是無菩提

若有諸菩薩

於上中下法

不取亦不捨

是名行菩提

若法及非法

不分別為二

亦不得不二

是名行菩提

若二則有為

非二則無為

離是二邊者

是名行菩提

是人過凡夫

亦不入法位

未得果而聖

是世間福田

行於世間法

處中若蓮華

導修最上道

是名行菩提

世間所行處

悉於是中行

世間所貪著

於中得解脫

菩薩無所畏

不沒生死淵

無憂無疲倦

而行菩提道

斯人能善知

法性真實相

是故不分別

是法是非法

行於佛道時

無法可捨離

亦無法可受

是名菩提相

一切法無相

猶若如虛空

終不作是念

是相是可相

善知世所行

遍知方便力

能充滿一切

衆生之所願

常住於平等

護持佛正法

一切無所念

則是如來法

若有佛無佛

是法常住世

能通達是相

是名護持法

諸法之實相

了達知其義

安住於此中

而爲人演說

行於甚深法

魔所不能測

是人於諸法

無所貪著故

願求諸佛慧

亦不著願求

是慧於十萬

求之不可得

諸佛慧無礙

不著法非法

若能下著此

究竟得佛道

其諸樂善人

布施轉高尊

捨一切所有

而心不傾動

諸法不可捨

亦復不可取

一切世間法

根本不可得

能知一切法

非施非捨相

是名大施主

於法無所見

是等諸菩薩

不計我我所

是故行施時

不生貪惜心

諸所有布施

皆迴向佛道

布施及菩提

不住是二相

無作無起戒

常住於此中

亦不作念言

我住是持戒

智者知戒相

不生亦不作

是故戒清淨

猶若如虛空

觀身如鏡像

言說如響聲

心則如幻化

不以戒自高

其心常柔軟

安住寂滅性

悉滅一切惡

通達於善法

持戒及毀戒

不得此二相  
已度忍辱岸  
其心常平等  
於中無罵辱  
其心終不動  
身怨及刀杖  
未曾有傷損  
菩薩行如是  
堅住於大乘  
雖知生死本  
莊嚴大誓願  
本際不可得

如是見法性  
能忍一切惡  
諸法念念滅  
亦無有恭敬  
知心不在內  
皆從四大起  
通達於此事  
衆生不能動  
是人於身心  
其際不可得  
法無決定生  
爲顛倒故說

則持無漏戒  
於諸衆生類  
其性常不任  
若節節解身  
亦復不在外  
於地水火風  
常行忍辱法  
勇猛勤精進  
而無所依止  
爲諸衆生故  
何許有滅相  
法性不可議

常住於世間  
菩薩念衆生  
令得離顛倒  
而彼弘本願  
知皆如幻化  
從虛妄分別  
令得入涅槃  
離法非法故  
了達無諍定  
樂住於閑居  
明達諸神通  
威儀無變異

若能知如是  
不解是法相  
諸諦常不得  
當觀精進力  
不得堅牢相  
貪著生苦惱  
爲彼行精進  
常行真精進  
獨處無憤丙  
猶如犀一角  
心常住平等  
恒樂於禪定

不生亦不滅  
爲之勤精進  
衆生決定相  
思惟一切法  
觀之如虛空  
爲斯開法門  
而不壞於法  
是等行遠離  
常畏於生死  
遊戲諸禪定  
處空閑聚落  
信解常定法

及寂滅無漏

其心得解脫

故說常定者

自住平等法

以此導衆生

不違平等行

故說常定者

志念常堅固

不忘菩提心

亦能化衆生

故說常定者

常念於諸佛

真實法性身

遠離色身相

故說常定者

常修念於法

如諸法實相

亦無有憶念

故說常定者

常修念於僧

僧即是無為

離數及非數

常入如是定

悉見十方國

一切群生類

而於眼色中

終不生二相

諸佛所說法

一切能聽受

而於耳聲中

亦不生二相

能於一心中

知諸衆生心

自心及彼心

此二不分別

憶念過去世

如恒河沙劫  
能至無量土  
無有疲倦想  
於無央數劫  
善解陰入界  
善知因緣法  
亦知是淨因  
法皆屬因緣  
空見生死見  
無量智慧光  
是行菩提道  
悉容諸衆生

是先及是後  
現諸神通力  
分別知諸法  
開示法性相  
常為衆生說  
遠離二邊相  
信解因緣法  
無有定根本  
涅槃之見等  
知諸法實相  
是乘名大乘  
猶不盡其量

亦復不分別  
而於身心中  
樂說辯無盡  
智慧度彼岸  
無取無戲論  
知是煩惱因  
則無諸邪見  
我見與佛見  
皆無是諸見  
無闇無障礙  
不可思議乘  
一切諸乘中

是乘為第一

如此大乘者

能出生餘乘

餘乘有限量

不能受一切

唯此無上乘

能悉受衆生

若行此無量

虛空之大乘

於一切衆生

無有慳恡心

虛空無有量

亦無有形色

大乘亦如是

無量無障礙

若一切衆生

乘於此大乘

當觀是乘相

寬博多所容

無量無數劫

說大乘功德

及乘此乘者

不可得窮盡

若人聞此經

乃至持一偈

永脫於諸難

得到安隱處

敬念此經者

捨是身已後

終不墮惡道

常生人天中

於後惡世時

若得聞是經

我皆與受記

究竟成佛道

若住此經者

佛法在是人 是人在佛法 亦能轉法輪

若人持是經 能轉無量劫 生死諸往來

得近於佛道 若能持是經 精進大智慧

是名極勇猛 能破魔軍眾 我於然燈佛

住忍得受記 若有樂是經 我授記亦然

若人於佛後 能解說是經 佛雖不在出

為能作佛事

佛說是偈時 五千天子皆發阿耨多羅三藐

三菩提心 二千菩薩得無生法 忍十千比丘

不受諸法漏 盡心得解脫 三萬二千人遠塵

離垢於諸法中得法眼淨

發菩提心品第十八

尔時文殊師利法王子白佛言世尊如我解佛所  
說義若有人發菩提願是爲邪願所以者何諸  
有所得悉皆是邪若計得菩提而發願者是  
人諸所作行皆爲是邪所以者何菩提不在  
欲界不在色界不在無色界菩提無有住處  
不應發願世尊譬如有人願得虛空寧得空  
不佛言不也世尊菩薩亦復如是發同虛空  
相菩提之願卽是發虛空願菩提出過三出  
非是受相不可願也若菩薩起二相發菩提  
心作是念生死與菩提異邪見與菩提異涅  
槃與菩提異是則不行菩提道也  
尔時思益梵天謂文殊師利菩薩云何行名

菩提行。答言：若菩薩行一切法，而於法無所行，是名菩提行。所以者何？出過一切所行，是行菩提。又問云：何出過一切所行？是行菩提。答言：離眼耳鼻舌身意諸緣相，是名出過一切所行。又問：出過有何義？答言：不出過平等。所以者何？一切法平等，即是菩提。又問云：何是發菩提願？答言：當如菩提。又問云：何為菩提？答言：菩提非過去，非未來，非現在，是故菩薩應以三世清淨心發菩提願。梵天如過去未來，現在法從本已來，常不生不生，故不可說如是發願。無所發願，是發一切願。所以者何？以是行道，能得薩婆。若又問：何故說言薩

婆若答言悉知一切真智慧故名爲薩婆若  
又問何等是真智慧答言無變異相如衆生  
無變異相真智慧亦無變異相又問云何是  
衆生相答言假名字畢竟離是衆生相如是  
相則無變異若衆生與菩提異是爲變異如  
菩提相衆生亦亦是故無變異菩提不可以  
餘道得但以我平等故菩提平等衆生性無  
我故如是可得菩提是故菩提無有變異所  
以者何如虛空無變異相一切諸法亦無變  
異相亦時思益梵天謂文殊師利如來是實  
語者能說如是法文殊師利言如來於法無  
所說何以故如來尚不得諸法何況說法思益

言如來豈不分別諸法。是世間。是出世間。是有為。是無為。耶。文殊師利言於汝。意云。何是虛空。可說。可分別。不思。益言不也。文殊師利言。今說虛空名字。以所說故。有生有滅。耶。思益言不也。文殊師利言。如來說法。亦復如是。不以說故。諸法有生有滅。如此說法。是不可說。相亦以此法有所教誨。是無所教誨。所以者何。如說法性。不說法性。亦如是。是故說一切法。住於如中。如亦無所住。

今時釋梵四天王俱在會中。即以天華散於佛上。而作是言。世尊。若善男子。善女人。聞文殊師利說法。有信解者。當知是人能破魔軍。

及餘怨敵所以者何文殊師利今所說法能  
破一切邪見妄想世尊若善男子善女人聞  
於是法不驚不怖當知是人不從小功德來  
若是經所在之處當知此處則爲諸佛擁護  
受用若聞是經處當知此處轉於法輪是經  
在所住處聚落村邑山林曠野塔寺僧房經  
行之處諸魔外道貪著之人不能侵燒世尊  
若人多供養過去諸佛乃能得聞如是經典  
世尊我等於此經中得智慧光明而不能得  
報佛及文殊師利思益梵天之恩世尊我等  
所從聞經於是法師生世尊想我等常當隨  
侍說是經者此善男子常爲諸天之所擁護

若人書寫是經讀誦解說時無量諸天為聽法故來至其所

亦時世尊語釋梵四天王等大衆言善哉善哉如汝所說若三千大千世界滿中珍寶以為一分聞是經者所得功德以為一分其福勝彼置是三千大千世界若恒河沙等十方世界滿中珍寶聞是經者所得功德復勝於彼諸善男子若欲得功德者當聽是經欲得身色端正欲得財富欲得眷屬欲得自在欲得具足天樂人樂欲得名稱欲得多聞憶念堅固正行威儀戒定智慧解達經書欲得善知識欲得三明六通欲得一切善法欲得阿

稱多羅三藐三菩提欲得與一切衆生樂具  
欲得涅槃者當聽是經受持讀誦如法修行  
廣爲人說諸善男子若行是經者我不見其  
人不得如是具足快樂善男子我今語汝若  
人所從聞是經處若和上若阿闍黎我不見  
世間供養之具能報其恩是法出於世間世  
間供養所不能報是法度於世間世間財物  
所不能報是法無染染汙之物所不能報諸  
善男子是法餘無能報唯有一事如說修行  
若人於此法中能如說修行者是名能報師  
恩亦爲恭敬於師淨畢報恩是名不空食人  
信施是則名爲順如來語順如來教是名越

度衆流是名過諸險道是名建立勝幢是名  
能破敵陣是名師子之王無所畏故是名象  
王心柔軟故是名牛王外道論師無能壞故  
是名醫王能療一切病故是名無所驚怖能  
說甚深法故是名能具足捨捨諸煩惱故是  
名持清淨戒究盡善法故是名得大忍辱離  
我我所故是名大精進力於無量劫心無倦  
故是名具足禪定常念繫心住一處故是名  
有大智慧善解言說諸章句故是名有大威  
德以無量福莊嚴身相故是名有大威德能  
蔽日月諸光明故是名大力持佛十力故是  
名大雲能震法雷故是名大雨滅煩惱塵故

是名爲舍至涅槃故是名大救救生死畏故  
是名燈明離無明闇故是名歸趣魔所怖者  
之所依故是名衆生究竟之道是名得位坐  
道場故是名已得法眼是名見諸法如是名  
知空法相故是名安住大悲是名安立大慈是  
名不捨一切衆生是名背於小乘是名向於  
大乘是名除捨顛倒是名至于平等是名入  
於法位是名安住道場是名破壞諸魔是名  
轉於法輪諸善男子我若一劫若減一劫稱  
揚讚歎說是如說修行功德不能窮盡如來  
之辯亦不可盡今時會中有天子名不退轉  
白佛言世尊所說隨法行隨法行者爲何謂

耶佛告天子隨法行者不行一切法是名隨法行所以者何若不行諸法則不分別是正是邪如是行者不行善不行不善不行有漏不行無漏不行世間不行出世間不行有爲不行無爲不行生死不行涅槃是名隨法行若起法相者是則不名隨法行也若念言我行是法是則戲論不隨法行若不受一切法則隨法行於一切法無憶念無分別無所行是名隨法行尔時不退轉天子白佛言世尊若能如是隨法行者是人畢竟不復邪行所以者何正行者名爲畢竟住邪道者無隨法行住正道者有隨法行世尊行正行者無有邪

法所以者何諸法平等無差別故

尔時思益梵天謂不退轉天子汝於此中隨法行不荅言若世尊所說法中有二相者我當行隨法行今以無二相是隨法行於中行者及所行法俱不可得梵天我以不二法行隨法行離諸分別故如諸法如行是名隨法行思益言汝未曾見此佛國土耶天子言此佛土亦未曾見我思益言此佛土不能思惟分別見與不見天子言我亦不思惟分別曾於佛土見與不見思益言何人未見能見天子言一切凡夫未見聖法位若能入者是為先所未見而見是法位相非眼所見非耳鼻

舌身意識所知但應隨如相見如眼如乃至  
意如法位如亦如是若能如是見者是名正  
見

思益梵天問經卷第三

萬

